



Uunga
Inatsisartunut ilaasortaq
Sara Olsvig
Inuit Ataqatigiit

Oqarasuaatikkut siunnersuisarfiit pillugit § 37 naapertorlugu apeqqummut nr. 2018-276-imut akissut

07-11-2018
Suliap nr. 2018 - 22037
Akt. id. 9102227

Asasara Sara

Oqarasuaatikkut siunnersuisarfiit pillugit apeqqutigisannut qujanaq.

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
E-mail: iian@nanoq.gl
www.naalakkersuisut.gl

1. Ilumoorpa oqarasuaatikkut siunnersuisarfiit suli kattunneqarsimangitsut?

Oqarasuaatikkut siunnersuisarfiit kattunneqarnerat suli sularineqarpoq. Oqarasuaatikkut siunnersuisarfiit kattunneqarnerat ulloq januaarip aallaqqaataa 2019 pissasoq aalajangerneqarpoq. Oqarasuaatikkut attaveqaammut 134-mut (meeqqat inuusuttuaqqallu oqarasuaataat), 141-mut (inersimasunut kinguaassiutitigut atornerlunneqarsimaneq pissutigalugu kingunerlutitsisunut), 146-mut (Attavik – Inunnut ajornartorsiuteqartunut imaluunniit imminut toquttoqarneranik misigisaqarsimasunut) aamma 31 41 51-imut (kinaassutsimik isertuussilluni ilaqtariinnut siunnersuisarfimmut) oqarasuaatikkut siunnersuisarfinni siunnersortit kattussuutsinnermut aallartisarnerup ilaatut Isumaginninnermut Aqutsisoqarfimmi ininut nutaanut ulloq 31. oktobari 2018-imi inissinneqarput. Ulloq januaarip aallaqqaataa 2019 kattutsitsinissaq ajornannginnerulersinniarlugu, kiisalu siunnersortit sumiiffimmi allami suliaqarsimasut atugaat pitsaanerulersinniarlugit taamaaliortoqarpoq.

2. Sooq suli kattunneqarsimangillat?

Kattutsitsinnermut ataqatigiissaarisussamik sulisussarsiniarneq unammillernartoqarsimavoq. Inuup eqqortumik piginnaasaqartup nassaarinissaanut tunngatillugu, aamma taamatut piginnaasalik nassaarigaluarlugu atorfinitsitaanermut isumaqatigiissutip sularineqarneranut piffissaq pissutigalugu tunuaannartariaqarsimanageranut tunngatillugu.

3. Oqarasuaatikkut siunnersuisarfiit ammasarnerisa sivitsornissaat qanoq Naalakkersuisut pilersaaruteqarfigaat?

Oqarasuaatikkut sms-ikkullu saaffiginninnermut januaarip aallaqqaataani 2019 oqarasuaatikkut siunnersuisarfiit ammasarfitik sivitsorniarpaat, taamaalillutik sapaatip akunnerani ullut tamaasa (sapaatit nalliuttullu ilanngullugit) nal. 16.00-imiit 22.00-imut ammasassallutik.

Saaffiginnissutit pillugit uppersaatit ataqtigiissumik aaqqissuunneqarnissaat kattutsitsinerup peqatigisaanik pilersinneqassaaq. Uppersaatit taakku kiisalu ingerlaavartumik nalilersuinerit ilaatigut ammasarfiit aalajangerneqartut qanoq naleqqutsiginersut il. il. pillugit ilisimasaqalernermit ilapittuutaassapput.

4. Naalackersuisut innuttaasunut imminornissamut eqqarsaatillit ulloq unnuarlu saaffissaqarnissaat pillugu qanoq iliuuseqarniarpat?

Inuit imminut toqunnissamik eqqarsaateqartut ulloq januaarip aallaqqaataa 2019 nal. 16.00-imiit 22.00-imut sapaatip akunnerani ullut tamaasa oqarasuaatikkut siunnersuisarfimmut attaveqarsinnaangussapput. Ammasarfiit avataanni sms-ikkut saaffiginnissutit tiguneqartut tamarmik aqaguani akineqartassapput.

Qanittumi akerliussutsimik takutitsinermit nipaatsumi peqataasut oqariartuutaasa malitsigisaatut, Naalackersuisut oqarasuaatikkut siunnersuisarfiit qanoq ineriartortinneqaaqqissinnaanersut pillugu suliaqarnertik ingerlateqqissavaat.

Inussiarnersumik Inuulluaqqusillunga


Martha Abelsen